

TAFASWIRI AN-KIBUSHI NIM-MATEKELEZO KI DUNIA NIN-HAKI-L-ADAMİ

ALUHA NIN-VUDIN’NI KURAŃA

An-fahitaga amba, fikuŋaliaga amba ŋinadamu djabi nitirahinyi ndreka usheu ndreka haki meraga nandzari ro musingi nin-nafasi, nin-haki ndreka usalama duniani ;

An-fahitaga amba, tsifahizaga ndreka fipuzisaga haki-l-adami ro mikutsonga faganovaga shitrendro ki katili maneitri rohu nin-umati djabi, amin’ni zenyi, fitunga nin-ulemengu mbu kuruhusu ŋinadamu ivulaga ndreka ikwamini aminnafasi, bila tahutru wala taabu nin-ufukara, ro nikutekelezaga kirasimi, ustaaru bu behebend-djabi ninhulumbelu ;

An-An- fahitaga amba, agatin’ni sharia-musingi nin-ndreu, zanatani nin-Uvumoya nin-Twaifa (Shama nin-Daula nin-Ulemengu) nikutekeleza mara hafa uaminifu nin-ndreu amin’ni haki musingi nim-ŋinadamu ; amin’ni usheu ndreka kima ninhulu an-rohuni, amin’ni fihiraga nin-haki nin-lalahi ndreka viavi, amin’zenyi, reu nampahei amba reu nangala aŋima ampadeha aluha fagadzarisaga maisha nimŋinadamu ndreka ampiditri an-lalaga raha mbu andei tanafu tsara am-maisha nin-nafasi nankitinyi nimŋinadamu ;ahitaga amba, nikulazimu natou nguvu fihavagana ŋainan’ni tani ndreka tani ;

An- fahitaga amba, Daula Agatin-shama iti ndreka shama nin-Uvumoya nin-Twaifa (Shama nin-Daula nin-Ulemengu) nangala wahadi an-ndreu agaraka kabaru retu ata haki-ladamu ndreka nafasi musingi ikustehinyi nankitinyi amin’ni dunia mafia ;

An- fahitaga amba, fikutrugaga djumla nin-sharia ndreka nafasi retu nandzari muhimu swafi an-fikustehiaga namuna kulazimu, wahadi iti ;

Trengwe djumla nampahei amba Matekelezo ki Dunia nin-Haki-l-Adami iti

ro daradja agabugabun-djabi nin-ustaaru bu nikulazimu nahazu nin-kula karazaga zanatani ndreka nishani, anga ŋinadamu djabi ndreka kula karazaga ninfikueshiandreu, ihisi Matekelezo iti daima amin’ni luhan-ndreu, aganu djitihadi amin’ni fampidzuruaga ndreka fitarimiana, ampiasa masitaha nin-sharia ndreka nafasi retu ; amin’ni zenyi, aganu modeli ata, amin’ndreu magapiditri an-lalaga moramora-moramora satua mifotutru tani ou mifotutru dunia, reu ikutsonga ata fikuŋaliaga ndreka fikurumiana reu iti, ike nin-ankitinyi amin’ni dunia mafiha ; rangi amin’ni zanatani nin-Daula agatin’ni Uvumoya nin-Twaifa (Shama nin-Daula nin-Ulemengu) ata an-tani amin’ni hifadhwi ni sharian-ndreu.

Kanuni aluha

ŋinadamu djabi nitirahinyi an-nafasi, reu bokeu miraga amin’ni usheu ndreka haki. Reu teraka ndreka akili ndreka hikima, amin’ni zenyi, reu nikulazimu nisi tweraga nin-fihavaga reu sambu reu.

Kanuni faha aroini :

Kula hulugu meti mikudai fikurumiana amin’nazi ninsharia ndreka nafasi retu djabi, nivulagana amin’ni Matekelezo iti, wala tsisi fifidanaga tsokao yotsi, mfano mifotutru kabila, range (nin-nenyi), lalahi au viavi, fivulagana, dini, fikira ki siasa au fikira hafa tu, tani nibwaga au daradjan-hulugu, mali, teraka au kabaru hafa tu.

Boka eu, tsi uhisi fifidanaga tsokao yotsi mbu atou hatasiabu’ ni daradja nin-siasa, nim-mahakama au hatasiabu’ni abezan-tani au gitro nin-tani nibwaga ninhulu ; neka tani iu au gitro nin-tani iu huru, nikutawalan’ni tani hafa, tsi mahaleu tega au nikupunguzaga yezi.

Kanuni faha teluni :

Kula shumbe-ŋinadamu misi haki an-fikueshiaga, annafasi ndreka an-hifadhwi nin-nafusini.

Kanuni faha efatrani :

Tsisi hulugu mbu atou andevu au andivuzaga : fandivuzaga ndreka kula kalite nin-fanyiraha ki andevu, tsi kuruhusugu.

Kanuni faha dimini :

Tsisi hulugu mbu atou matriko, wala fihezinyi ou kudilinyi kara raha tsisi manani ou atou raha mikulanisa izi.

Kanuni faha tshutani :

Kula hulugu misi haki an-fikuŋaliaga haki nazi kula mahala misi izi.

Kanuni faha fituni :

Hulugu djabi miraga an-lalaga ki sharia ndreka misi haki djabi bila fifidanaga, an-hifadhwi miraga nin-sharia. Hulugu djabi misi haki miraga an-sharia mikuhifadhwi hulugu ndreka kula ubanguzi mandeha kinyume ndreka Matekelezo iti, ndreka kula fikutsotsaga ubanguzi iti.

Kanuni faha valuni :

Kula hulugu misi haki an-fandihanaga mikushitaki ammahakama nin-tani misi maarifa amin’ni kabaru nazi, neka haki-musingi nazi, boka eu nikubalin’ni sharia be musingi ou sharia tu, tsi nikusutehinyi.

Kanuni faha sivini :

Tsisi hulugu mbu heti tanin-sirikali ou gadrani lajoli ou atuwatanini bila sibu.

Kanuni faha fuluni :

Kula hulugu misi haki, an-fihiraga swafi, an-faganovani modeli ata hadja nazi urenyim-mahakama tsi kisirikali, tsi mampinonu hila, an-lalaga nin-haki ndreka anyivunn-trengwe. Mahakama iti ro mbu ahei neka hulugu iti amin’ni haki nazi ndreka farudhwi nazi au mashitaka natoga izi iti magaraka lalaga.

Kanuni faha fulu areki ambini :

Kula hulugu nikuhutumu ndreka tabia ratsi, kaza taninyi ndreka halathwi paka izi kuhukumugu kirasimi am-mahakama mbiaga an-trengwe, amin’izi eu, kula kabaru miditri amin’ni difai nazi djabi nikurumiana.

Tsisi hulugu mbu vangoga kubeu hatasiabu’ni amali au raha tsi nishugulinyi, ndreka wakati naganovaga reu iti, reu tsi nalaga amba tabia ratsi amin’ni sharia nin-tani au nin-ulemengu. Boka eu kua, tsisi raha rati mandiltra inyi fa vua hulugu lera naganovaga tabia rati retu, mbu vua hulugu kua.

Kanuni faha fulu aroi ambini :

Tsisi hulugu mbu hidiraga bila sibu, am-maisha ninantanana nazi, amin’ni havaga nazi, amin’ni tragu nazi au amin’ni barua nazi ; wala tsisi hulugu mbu hiditri amin’ni kabaru mbu ikupua hulugu usheu, mbu andatsaka izi. Kula hulugu misi haki an-hifadhwi ninsharia mamahaga fidiraga an-hulugu ndreka fikufutsuhaga maisha nin-hulugu.

Kanuni faha fulu telu ambini :

Kula hulugu misi haki an-fidiraga ndreka fibwaga an-nafasi ndreka an-fifidanaga mahala ipitrahani agatin’ni Daula .

Kula hulugu misi haki an-fibwahani an-nakwakila tani, ata an-tani nazi, ndreka an-fipudiani an-tani nazi.

Kanuni faha fulu efatra ambini :

Am-mahala misi udilifu, kula hulugu misi ruhusa mitsakaraka mahala ififiaga, boka eu, misi furswa ahazu mahala ififiani amin’ni tani hafa.

Sharia iti tsi heti kurumiana neka hulugu mila ikurumiana izi iti, tsakarahin’ni sirikali hatasiabu’ni shidrendro natoni niditri

amin’ni baadhwi nin-shidrendro nikudukuru amin’ni sharia djumla au hatasiɓabun’ni taɓia natoni tsi miaraka ndreka madhumuni ndreka makuswada nin-Uvumoja nin-Twaifa (Shama nin-Daula nin-Ulemengu).

Kanuni faha fulu dimi ambini :

Kula hulugu misi haki an-fazahuɗa uraia.

Tsisi hulugu mbu heti fahɗana kaza ahazu uraia au amadiki uraia, bilà siɓabu.

Kanuni faha fulu tshuta ambini :

Neka reu fa kutsimu, lalahi ndreka viavi nin-kula nishani, kula uraia au kula dini, meti manambadi ndreka miteraka zanakan-ndreu. Hakin-ndreu amin’ni kabaru mifotutru vadiɗa merɗa, lera reu amin’ni vadiɗa ndreka lera reu miboɗu.

Vadiɗa mbu heti atou neka bwana harusi ndreka bweni harusi nikuɓali izi itì.

Fihisiɗa havɗa iu raha amin’ni vatan-hulugu boka eu muhimu amin’ni maisha ki udjamaa ; izi itì misi furswa ahazu hifadhwi nin-udjamaa ndreka nin-Daula.

Kanuni faha fulu fitu ambini :

Kula hulugu, rangu inyi mipetraka izi areki ata inyi mipetraka an-djamaa, misi furswa amba izi hu tompinshandza.

Tsisi hulugu mbu heti fahɗana bilà siɓabu amba izi kaza utompin-shandza.

Kanuni faha fulu valu ambini :

Kula hulugu misi haki an-fihisiɗa nafasi nin-fikufikiriɗa, nin-fikurumianɗa àkili-musingi ndreka nin-fihisiɗa dini ; haki itì mikuruhusu hulugu mamadiki dini au fikira, ndreka maɗamia hulugu nafasi mampahei dini au fikira nazi izi areki au ndreka ri namani rangu an-karamandza ata an-traɗuni ; amin’ni fidzuruɗa izi, amin’ni faɗanovɗa izi, amin’ni faɗanovɗa iɓada ndreka mahafala mifotrutu dini itì.

Kanuni faha fulu sivi ambini :

Kula hulugu misi haki an-fihisiɗa nafasi ninfaɗabwahɗa fikira ndreka nin-fivulaɗana ; maanani iu, hulugu misi haki an-tsifiampidzaliɗa hulugu hatasiɓabu nin-fikira nazi ; an-fahazuɗa ndreka faɗabuɗa bila tsisi fikutundɗa mupaka, kabaru ndreka fikira, an-kula lalaɗa mbu kurumianɗa.

Kanuni faha arompuluni :

Kula hulugu misi haki an-fihisiɗa nafasi nin-fivuriɗa ndreka nin-faɗanovɗa shama tsisi tashahushi.

Tsisi hulugu mbu atou nguvu ihiditri an-shama.

Kanuni faha arompulu areki ambini :

Kula hulugu misi haki an-faɗalaɗa fuvu anfaɗandesɗa kabaru mifotutru hulugu djabi an-tani nazi, nahika ro hulugu tompini au amin’ni hulugu maɗatitri wakala nifidanɗa an-nafasi.

Kula hulugu misi haki an-fihisiɗa lalaɗa, mikustehi masharutwi nin-fihiraɗa, iditri an-hasa ki sirikali nin-tani nazi.

Nia nin-zanatani io ro musingi nin-yezi nin-sirikali ; nia itì nikulazimu kutekelezɗa amin’ni voti mazava nikulazimu natou kula mumba muda, amin’ni lalaɗa mikukarbisa hulugu djabi an-fihiraɗana, amin’ni voti ninsiri au maɗaraka fomba miraɗa ndreka voti nin-siri, mikuruhusu unafasi nin-voti.

Kanuni faha arompulu aroi ambini :

Kula hulugu, amin’izi hulugu nin-djamaa, misi haki anfaɗahuɗa hifadhwi ki fihavɗana (ki siraki) ; musingi nin-hifadhwi iu, ro fikutsimidzɗa haki mifotutru àkiɓa, udjamaa ndreka utamaduni muhimu an-hishima nazi ndreka an-huvambufu an-nafasi nin-twerɗa, hatasiɓabun’ni djitihadi ki tani ndreka fishirikaɗa ki ulemengu, hatasiɓabun’ni namuna nin-kupangaɗa ndreka rasulimali nin-kula tani.

Kanuni faha arompulu telu ambini :

Kula hulugu misi haki an-fazahuani hasa ndreka anfihisiani shaɓaha an-fifidanani hasa amin’ni lalaɗa ninhaki bokeu kusutou nin-hasa ; ndreka misi haki anfikuhafadhwiɗa izi ndreka fipitrahɗa-bure.

Hulugu djabi, wala tsisi fifidanɗa, misi haki anfaɗahuɗa mushahara merɗa an-faɗanovɗa hasa miraɗa.

Kula hulugu miasa, misi haki an-fazahuɗa mushahara kusutou, modeli nikulazimu mbu ikuruhusu izi ndreka ri havani uhisi maisha ki ubinadamu, bokeu meti susohinyi ndreka musada hafa nin-hifadhwi ki udjamaa.

Kula hulugu misi haki an-fikupangaɗa ndreki ri havani, shama nin-fikudaiɗa haki nin-hulugu nin-hasa, an-fihidirani an-shama mikudifaɗ tanafu nazi.

Kanuni faha arompulu efatra ambini :

Kula hulugu misi haki an-faɗabwahɗa vaha ndreka faɗalaɗa nafasi, amin’ni zenyi, an-faɗanovɗa mupaka mikustahiki amin’ni muda nin-hasa ndreka anfaɗabwahɗa vaha ifaɗa nim-muda.

Kanuni faha arompulu dimi ambini :

Kula hulugu misi haki an-fihisiɗa daradja ninfikueshiɗa kiasi, mikuruhusu izi uhisi swiha tsara, ahazu faivaɗana, izi ndreka ri havana nazi, an-kabaru mifoturu, fihinanɗa, fisikinɗa, fihisiɗa traɗu, fazahuɗa audi ki lopitali ndreka fazahuan-hulugu zema ki sirikali muhimu : izi misi haki an-fazahuani musada anwakati nin-fipitrahɗa-bure, nin-aretinyi, ninfikupunguzan’ni ziga, nin-fati nin-vadi, ninhauɓakokuɗa, au am-mukabala nin-fihafahan-raha mampahazu hulugu maisha, hatasiɓabu nin-fandihana nin-kabaru bila uvhendza nazi.

Fitirahɗa ndreka hauzaɗa misi haki an-fazahuɗa musada ndreka fikututuɓiɗa mahusus. Zaza djabi, rangu reu nitirahinyi an-vadiɗa atà reu nitirahinyi antani, misi haki miraɗa an-fazahuɗa hifadhwi nin-taãbu nim-maisha.

Kanuni faha arompulu tshuta ambini :

Kula hulugu misi haki an-fidzuruɗa. Fidzuruɗa nikulazimu bure, shingani ro, fidzuruɗa an-likoli madiniki. Fidzuruɗa hasan-taɗana nikulazimu mibiɗa an-hulugu djabi ; fidiraɗa an-likoli nin-daradja aɗabu ninfidzuruɗa nikulazimu nibiɗa an-fihiraɗa nin-ankitinyi, an-kula hulugu djabi misi maãrifa uhiditri.

Fidzuruɗa nikulazimu nikusudia utsatsarufu nimbinadamu, faɗanovɗa nguvu mastaha nin-haki-l-adami ndreka nafasi musingi. Izi tihì nikulazimu nampandehaaluha fikuelewɗa, muswamaha ndreka fiwandzaniɗa nin-tani djabi, ndreka shikao nin-kabila au nin-dini ndreka fandihanɗa-aluha nin-àmali nin-Uvumoja nin Twaifa (Shama nin-Daula nin-Ulemengu) fikututuɓiɗa usalama.

Ri hulugu maventi nin-hulugu, misi haki an-fifidanɗa amin’ni raha muhimu amin’ndreu, fidzuruɗa tokutru ahazun-ndri zanakan-ndreu.

Kanuni faha arompulu fitu ambini :

Kula hulugu misi haki an-faɗalaɗa fuvu neka izi shoku, am-maisha ki tamaduni nin-djamaa, an-faɗalaɗa ðastwi nin-swanaa ndreka an-faɗalaɗa ðandza amin’ni fandihanɗa-aluha nin-sayasi ndreka atsaraɗa ahazuɗu an-raha retu.

Kula hulugu misi haki an-fikuafadhwiɗa zavatra nazi, rangu reu mifotutru ilimu ata zombo nikumbaɗa anfikurumianɗa sayasi, fanurataɗa buku

au fikutrungana kabaru, neka izi ro tompin'ni raha retu.

Kanuni faha aropulu valu ambini :

Kula huluŋu misi haki an-faganovana modeli atà utrilivu amin'ni maisha ki binadamu ndreka amin'ni ulemengu ikubala atà haki ndreka unafasi nikudukuruŋu agatim- Matekelezo itì, ikurumianaŋa namuna nin-kulazimu.

Kanuni faha aropulu sivi ambini :

Binadamu misi raha diasinyi ndreka izi amin'ni djamaã nazi ; amin'izi itì, fikuvambusan'ni twerana nazi an-nafasi, iu tu ro raha isiani ruhusa mananu azi.

Amin'ni fikurumianaŋa hakin-huluŋu, ndreka fihisianhuluŋu nafasi, raha retu djabi misi mupaka napetrakansharia. Makuswada nim-mupaka retu, izi ro faganovana modeli ata fikubaliŋa ndreka mastaha nin-haki ndreka nafasi nin-havana ikueshi ; amin'ni fikusutehiŋa kua, masharutwi nin-ubinadamu, nin-utrilivu nin-trengwe ndreka fiatsarana djumla nin-djamaã nin-ki nafasi.

Haki ndreka nafasi retu, ala-kulli-hali, tsi uheti ikurumianaŋa amin'ni lalana tsi miaraka ndreka makswada ndreka masharutwi nin-Uvumoja nin-Twaiifa (Shama nin-Daula nin-Ulemengu).

Kanuni faha telumpuluni :

Tsisi atà sharia areki nim-Matekelezo itì mbu heti kutafaswirinyi amin'ni lalana mikuruhusu, Daula, shikao au huluŋu areki, ihisi haki itsokao yotsi nin-faganovana mahafala au amali mandrubaka haki ndreka unafasi nikudukuruŋu etu.